

Membra solo reddam, gradiarque in calle parentum. A  
Sic sua summa sacer conclavibus abdere quamvis  
Mallet, ab ætherio panduntur munera teste.

At pia Cuthbertus memorans sæpe acta priorum,  
Ætheria sub laude sui quoque Christus agonis  
Ut fuerit socius, fuerat subnectere paucis.  
Sicque duos vario jam munere spiritus idem  
Lustravit per dona viros, atque ætheris alti  
Tramite diviso regnum provexit ad unum.

CAPUT XLVII. *Qualiter anachoreta Felgeldus ibidem  
sit a vultu tumore mundatus.*

Ergo age, Felgeldus largitor muneris almi  
Prima salutiferi ipse capit documenta vigoris.  
Cui pridem facies informi tacta tumore,  
Squalens, at rigido dum solus in abditur antro,  
Latior ingenito surgit de fomite flamma,  
Atque genas maculis livor respexit adurens.  
Qui nova pro veteri dum culmina pangeret æde,  
Illud ovans fesso direptum a pariete velum  
Partiri docuit fidæ spes certa salutis.  
Primaque dum lymphis corrigia tinguitur almis,  
Pervia cornigero pateat quo semita ferro,  
Exsiliens lasciva sacro de gurgite gutta  
Lumina respersit sancti, vultumque rubentem.

<sup>a</sup> *Labes*

Alle citus dextra lymphas abstergere curans  
Miratur pestem stupefactus abisse, foresque  
Pandere jam reduci sana sub fronte medelæ.  
Et ne forte putet mendum me dicere quisquam,  
Teste Deo dicam, quia presbyter ista fidelis  
Pandeat vatis fidam cui fatus in aurem.  
En, inquit, nosti faciem quia presserit olim  
Labis <sup>a</sup> acerba meam, sed jam modo gratia Christi  
Cuthberti meritis placavit tristia flagra.  
Mitte manum, et tangens me dicere vera probato.  
Clausus namque oculi non quibat acumine cerni,  
Fecerat et priscam morbo fugiente salutem.  
Adfore temporibus persensit ab æthere sanctus.

*Oratio Bedæ beati presbyteri.*

B Hæc tibi, cunctorum largitor Christe bonorum,  
Dona tui obtulimus summo de munere doni,  
Magnaque pro modicis libantes gaudia dictis  
Sanctorum attigimus certamina celsa tuorum :  
Sperantes illis exoratoribus, ut tu,  
Sidereo dignos qui justus in axe coronas,  
Indignis mitis laxes vel debita nobis.  
Ultima sufficiunt illius in ædibus aulæ  
Præmia, qua cunctos tua visio, Christe, beabit,  
Vita manens castis lumenque salusque per ævum.

## PASSIO SANCTI JUSTINI MARTYRIS.

Quando Christus, Deus noster, natus est ex Vir- C  
gine,  
Edictum imperiale per mundum insonuit,  
Quatenus totius orbis fieret descriptio :  
Nimirum quia in carne tunc ille apparuit,  
Qui in cælo universos electos ascriberet,  
Quos sacræ commendavisset fidei professio.  
Quam qui digne observarint, cum bonis operibus,  
Quæ sunt velut quidam census domino amabiles,  
Civitatis describuntur celestis municipes.  
Quos census uterque sexus, omnis ætas exhibet,  
Ut testatur plurimorum martyrum exercitus :  
Non solum constans ex viris, verum et ex feminis ;  
Nec ævo tantum mature subibant martyrium,  
Sed et multos propter Christum et fidem catholicam,  
Legimus fuisse passos in ætate tenera :  
Ex quibus sanctus Justinus, novennis puerulus,  
Qualiter per passionem migravit ad Dominum,  
Sequens textus demonstrabit scire cupientibus.  
Dum crudelis Diocletianus Romani imperii <sup>a</sup>  
Simul cum Maximiano, teneret monarchiam,  
Talis est in Christianos nota persecutio,  
Ut darentur ad pœnarum universa genera,  
Ubiunque comprehendi aliquem contingeret,  
Quem hujus professionis obligaret titulus.  
Et ne quisquam potuisset contutari latebris,  
Ubique componebantur hoc modo insidiæ,  
Quæ euntes compulissent in jus idolatriæ,  
Non illis evendi quidquam aut vendendi copiam.

<sup>a</sup> Duo pedes in hoc versu abundant.

Nec ipsam haurire aquam dabatur licentia,  
Antequam thurificarent detestandis idolis.  
Ea tempestate fuit quidam præfectus in Gallia <sup>b</sup>,  
Perfidus, ferox, inimicus, Christi nomen odiens,  
Et in Christianos furens, Riciovarus nomine ;  
Quem cum supra nominati principes dirigerent,  
Ut sanctos persequeretur positos in Gallia,  
Cupidus cædis sanctorum protinus efficitur.  
Et ingressus civitatem, Basilicam nomine,  
Qua suos cursus in Rhenum infert Ara fluvius,  
Multos ibi Christianos dimergi præceperat.  
Sic per loca universa edictum dat impium,  
Ut nullus Christianorum sineret vivere,  
Quibus vitam statuebat per tormenta adimi.  
Erat ea tempestate in Auisiodoro  
D Quidam vir bonus et justus, Matthæus vocabulo,  
Illique Justinianus et Justinus filii.  
Sed Justinianus ortu carnali præcesserat :  
Justinus vero ætate morum anteerat,  
Per vitam immaculatam senectutem induens.  
Qui in brevi consummatus, longa explet tempora  
Meritorum ejus laude manente in sæcula :  
Quia placuisse Deo ejus constat animam.  
Illic antequam nasceretur, frater ejus senior,  
Jam dictus Justinianus, capitur ab hostibus,  
Atque a domo paterna longius abducitur.  
Beatus vero Justinus mox a pueritia  
Rebus animum divinis incessanter dederat,  
Profectum quotidianum daute Dei gratia.

<sup>b</sup> Duo pedes in hoc versu abundant.

Qui cum polleret virtutum donis spiritalium,  
 Inter cætera hoc primum illi Deus contulit,  
 Ut haberet futurorum sæpe præscientiam.  
 Tum per revelationem a Deo instruitur  
 De fraterna servitute, et de ejus domino,  
 Qui appellabatur Lupus, Ambianis habitans:  
 Cum hoc illi revelatum fuisset a Domino,  
 Patri suo hoc narrare confestim studuerat,  
 Ad redemptionem fratris hortans iter arripi;  
 Ad quod illi pater ejus taliter responderat:  
 O, inquit, filii, ignoro qua sit eo transitus,  
 Et propter hoc quid agamus, me nescire fateor.  
 Tunc sanctus puer Justinus animo accenditur,  
 Atque omnem peragrabat mox Autisiodorum,  
 Sicubi reperiretur dux eis itineris.  
 Sed cum non inveniretur qui quæsitus fuerat  
 Reversus puer beatus, hoc patri annuntiat,  
 Dicens tamen non cessandum esse ab itinere.  
 Nos, inquit, pergamus, pater, Christo nobis comite,  
 Qui non sinet nos fraudari nostro desiderio,  
 Quod de redimendo fratre habemus in animo.  
 Sed et transcendæ nobis Christo viæ præduce,  
 Nihil nobis adversatur, nil erit contrarium,  
 Quin illæsi ambulemus, redeamus sospites.  
 Ad hos filii affatus, ista pater reddidit:  
 Possem, ait, ego forsân, o filii dulcissime,  
 Sustinere iter tantum, qui sum fretus viribus.  
 Tibi autem cum sis puer, ut non possis timeo,  
 Ne forte teneritudo læsa tui corporis,  
 Fatigatum te quod abs te faciat deficere.  
 Respondens sanctus Justinus, patri suo retulit:  
 Famulus, ait, sum Christi, in quo me confidere,  
 Et me illi commendare semper pater noveris.  
 Eamus ergo in ejus adorando nomine,  
 Illi totum committentes effectum itineris,  
 Et quod illi inde placet, sit nobis amabile.  
 Adquievit pater istis hortamentis filii,  
 Assumptisque ad hoc iter sibi necessariis,  
 Proficisci mox cœperunt de Autisiodoro.  
 Et cum dies declinare cœpisset ad vespem,  
 In Milidonensi castro recepti hospilio,  
 Quieverunt sub ejusdem ibi noctis spatio:  
 Quibus ad portam castelli pauper quidam obviat,  
 Qui et claudicabat gressu, et visu caruerat,  
 Quem atra vexabat fames, pariter et nuditas:  
 Cui ut innotescebat Justini præsentia,  
 Mendicabat, ut donaret illi eleemosynam,  
 Quo pene extortam fame recrearet animam.  
 Tunc beatus puer suo genitori suggerit  
 Alimentum fore dandum eidem famelico,  
 Obtentoque a patre victu emendat esuriam:  
 Ipse vero sua sese tunica exspolians,  
 Nuditatem ejus simul operire studuit,  
 Geminum præbens egenti taliter auxilium.  
 Tunc adversus illum pater motus aliquatenus,  
 Increpare cœpit eum, quare ita fecerit,  
 Ejusque tam pium factum vocabat dispendium.  
 Non, inquit, sanctus Justinus, hoc voca dispendium,

<sup>a</sup> Al., præsis.

**A** Propter quod beatitudo nobis repromittitur,  
 Spiritu sancto dicente per David psalmographum:  
 Felix qui super egenum intendit, et pauperem,  
 Quomodo in die mala Deus eum liberat.  
 Sed nec ab auditu malo timere compellitur.  
 Mala reprobis est dies in die judicii,  
 Cum ad æternum damnantur a Deo interitum,  
 Arsuri igne æterno una cum diabolo.  
 A malo timent auditum, quibus in judicio  
 Vox a tribunali Christi sonat terribiliter,  
 Ite a me, maledicti, in ignem perpetuum.  
 In hac autem die mala, qua damnantur impii,  
 Liberari promeretur, qui dat eleemosynam,  
 Ut non eum ille malus auditus perterreat:  
 Sed magis dicatur ei ore Christi judicis  
**B** Ut accedat regno Dei, propter eleemosynas  
 Fratribus quas ipse Christi impendebat minimis.  
 Vides, inquit, pater, quanto hono compensabimus,  
 Dum ex his quæ nos habemus subvenimus inopi,  
 Et ideo quod mendico datum est non quærere.  
 Igitur in Milidone noctu quieverant,  
 Facto mane iter suum protinus accelerant,  
 Et Christo eos ducente, venerunt Parisium,  
 Ubi a quodam excepti nomine Hippolyto,  
 Ipsi omnem prodiderunt causam pro qua venerant,  
 Scilicet, quia captivum fratrem suum quærerent,  
 Proinde satis humanus fit eis Hippolytus,  
 Et cum eos refecisset, in pace dimiserat,  
 Ut cœptum iter egissent cum Dei auxilio.  
 Tunc illi profecti, flumen attingebant Iseram;  
**C** Et dum transire per illud ipsos oportuerit,  
 Non inveniebant illic aliquam naviculam.  
 Quod cum moleste tulisset pater sancti pueri,  
 Ipse beatus Justinus demonstratum cœlitus  
 Conturbato genitori protulit præsigium.  
 Quamvis, ait, nunc in promptu non adsit navigium,  
 Non est tamen anxandum nobis de itinere:  
 Quia mihi est a Christo ostensum solatium.  
 Quidam enim homo nobis cum navi appropiat,  
 Cujus nobis impendetur incunctanter commodum,  
 Ut transire valeamus hunc præsentem fluvium.  
 Cum adhuc puer parenti loqueretur talia,  
 Ecce quidam nauta venit cum sua navicula,  
 Sicut sanctus prædicebat in <sup>a</sup> præsisago spiritu.  
**D** Tunc accedentes ad illum qui cum navi venerat,  
 Se petebant adjuvari ut transirent fluvium,  
 Navigationis justum offerentes pretium.  
 Nauta igitur petita satis prompte annuit,  
 Ipsi vero nautum dare debitum volentibus,  
 Non accipit ille quidquam, gratis præstans commodum.  
 Illi autem properantes, Ambianos veniunt,  
 Inquiruntque domum Lupi, fratris sui domini:  
 Qua mox inventa, ad illum preces ferunt supplices.  
 Quem prior sanctus Justinus his affatur vocibus:  
 Venimus ad tuam, aiens, o Lupe, clementiam,  
 Ut captivum fratrem nostrum reddas nobis liberum.  
 Compertum est enim nobis ipsum sub te degere.  
 Et ad illum redimendum nostram substantiolam

Apportavimus donandam nunc pro tua gratia.  
 Tunc Lupus qui essent illi cæperat inquirere,  
 Didicitque quod fuissent non ficti Christicolæ,  
 Et quod habitantes essent in Autisiodoro.  
 Frater autem, aiunt, noster, propter quem huc veni-

[mus,

Et quem a captivitate conamur redimere,  
 Vocatur Justinianus, tuusque est domesticus.  
 Ego, inquit Lupus, vobis præbebo hospitium,  
 Et quos habeo, ostendam omnes meos pueros,  
 Et si frater vester hic est, redimatur pretio.  
 Igitur cum domum Lupi introissent vespere,  
 Demonstravit eis suos duodecim pueros,  
 Inter quos non est inventus ille quem quæsierant.  
 Beatus vero Justinus oculos circumferens,  
 Vidit quemdam extra ipsos assistentem puerum,  
 Cujus manibus accensa ferebatur lampada.  
 Illic erat frater Justini gloriosi pueri,  
 Captus tamen ante ejus natalis exordium,  
 Nunquam ante tempus illud ei visus fuerat.  
 Beatus vero Justinus, plenus sancto Spiritu,  
 Nullo homine docente, hactenus incognitum  
 Eundem germanum suum agnovit continuo.  
 Enimvero mens sanctorum dum adhæret Domino,  
 De internis et occultis ab eo instruitur,  
 Res ignotas edocetur spiritu prophetico.  
 Ostendit hoc liber, acta narrans apostolica,  
 Ubi legitur frequenter : Dixit sanctus Spiritus  
 Sive Petro, sive Paulo, seu cuique discipulo.  
 Hoc modo sanctus Justinus fratrem dum agnosceret,  
 Lupo qui eum tenebat confestim hoc prodidit :  
 Meus, inquit, est frater, qui fert manu lampadam.  
 Pro hoc redimendo ad te pater meus venerat,  
 Tu nobis, ut promisisti, hinc esto benevolus,  
 Ut germano comitati repetamus propria.  
 His auditis, frater ejus redditur attonitus,  
 Quod ab eo nunquam visus taliter sit cognitus.  
 Qui adfuerant mirantur super re insolita.  
 Gratulabantur fideles, gaudentes in Domino,  
 Atque pro tanta virtute Deo agunt gratias,  
 Et cum laude Christi nomen frequenter ingemiant.  
 Erant ibi in eodem constituti tempore,  
 Homines retiarum, supra dicti judicis ;  
 Qui ut eos Christianos esse recognoverant,  
 Conciti adnuntiarunt illud suo domino,  
 Si quid forte voluisset de ipsis præcipere,  
 Juxta leges promulgatas adversus Christicolas.  
 Tunc misit confestim iudex qui eos adducerent.  
 Quos si noluisse sequi, jussit claudi carcere,  
 Donec opportune possent præsentari sibi.  
 Interim Lupus, qui illos suscepit hospite,  
 Sub ipsis nocturnis horis eos excitaverat,  
 Et abire hortabatur inde ante diluculum.  
 Adfuerunt sero, inquit, hic præfecti homines,  
 Qui ut esse Christianos vos primum compererant,  
 Nuntiare hoc præfecto festini abierunt.  
 Fratrem ergo quem quæstis, vobiscum adducite,  
 Redemptionis a vobis pretium non exigam,  
 Tantum fugitote isthinc a persecutoribus.

A Illis sicut hortabatur profectis, velociter  
 Supervenerunt ab ipso destinati iudice ;  
 Qui si invenire possent, ipsos comprehenderent.  
 Et cum non invenirentur qui quæsi fuerant,  
 Regressi sunt ad præfectum quos illuc direxerat,  
 Narrantes quod jam digressi ab hac domo fuerint.  
 Tunc præfectus jubet cito equites ut quatuor  
 Insequi eos studerent cursu velocissimo,  
 Atque ad suum tribunal mox eos adducerent.  
 Si reniterentur quidquam, jussit eos perimi.  
 Igitur arreptis equis, insequuntur propere  
 Quo sanctus puer Justinus cum suis tetenderat.  
 Locus habetur antiquus Lupera cognomine,  
 Ad quem cum appropinquarent, non longe abfuerant  
 Ipsi a præfecto missi crudeles carnifices.

B Tunc Justinianus sanctum Justinum alloquitur ;  
 Opportunitatem, ait, isthinc cernis adfore,  
 Qua aqua possit hauriri, et nos cibo refici.  
 Si placet, considere parum panis frangere,  
 Atque aquæ haustu sitis ardorem extinguere,  
 Sicque postea valemus proficisci melius.  
 Cui beatus Justinus, jam futura præsciens :  
 Si gustare, inquit, isthinc aliquid disponitis,  
 Erit vobis hoc omnino faciendum citius.  
 Ecce enim appropinquant huc legati judicis,  
 Qui nos, si valebunt, debent judici adducere,  
 Et ad pœnas subeundas eidem contradere.  
 Vos ergo, precor, si vultis, festinate refici ;  
 Ego astans specularior, aliquis si venerit,  
 Qui insidietur nobis, ex mandato judicis.

C Et si quisquam ad hoc nobis forte supervenerit,  
 Ego colloquar cum illo ; at vos ingredimini.  
 Et in præsentis speluncæ antro vos abscondite.  
 Ista prophetali more puer sanctus loquitur,  
 Cum ecce mox adimplentur ipsius eloquia,  
 Quæ prædixit de transmissis sibi carnificibus.  
 Etenim inter loquendum apparebant quatuor  
 Quos transmisserat præfectus eos comprehendere,  
 Vel si hoc non potuissent, tunc eos occiderent.  
 Quibus visis, se in antrum cæteri abripiunt ;  
 Beatus vero Justinus consistit intrepidus  
 Ad martyrii a Christo destinatus gloriam.  
 Ad quem ministeriales accedentes judicis,  
 Sciscitantur quis fuisset, quæ ejus professio,  
 D Quive, vel ubi fuissent, quos habebat socios.

Quibus ille referebat omnia per ordinem,  
 Ego, inquit, Justinus appellatus nomine,  
 Christianum me haberi exultans profiteor :  
 Et quia persecutores hujus estis nominis,  
 Ob hoc prodero non possum meos vobis comparare,  
 Ne propter me subigantur ad pœnarum genera.  
 Nisi, aiunt, illos nobis citius prodideris,  
 Nostro scias jugulandum te jam fore gladio,  
 Tam quod abnuis hæc nobis, quam quod es Christi-

[cola.

Respondens sanctus Justinus, dixit carnificibus :  
 Repromittit quidem sanctum nobis Evangelium  
 Ut qui propter Christum suam animam perdiderit,  
 In vitam æternam vere eandem custodiat ;

Et idcirco pœnas pati pro illo non timeo,  
 Dilectu ejus malens mori quam offense vivere.  
 Quod vero jubetis a me prodi meus compares,  
 Nihilominus hoc sanctum vetat Evangelium,  
 Ipso Domino monstrante quod hoc nollet fieri.  
 Nam quando in passione, quam pro nobis pertulit,  
 Suos ipse est exactus proderet discipulos,  
 Minime eorum delator voluit existere,  
 Et cum comprehenderetur a persecutoribus,  
 Præcepit ut sinerentur abire discipuli,  
 Ne quemquam, ut jam prædixit, ex eisdem perderet.  
 Nunc itaque noveritis, neutrum me <sup>a</sup> facere.  
 Ut vel Christi nomen sanctum metu mortis abnegem,  
 Sociosve meos prodam contra Evangelium.  
 Adversum hæc documenta irascuntur nuntii,  
 Mutuoque adhortatu necem sancto præparant,  
 Quos vel parum expectare vetat iracundia.  
 Itaque evaginato demum unus gladio,  
 Amputavit caput ejus, cæteris hortantibus.  
 Sic cum gloria et laude martyr cœlos subit,  
 Duplici proprietate duplex habens bravium,  
 Quod et in confessione Christi perduraverit,  
 Et usque ad mortem suos proximos dilexerit:  
 In ipso præceptis Christi delectatus dulcibus,  
 Quod nos jussit ante illos nihil fore timidos,  
 Qui occidunt corpus istud, textum venis languidis.  
 In hoc a sancto Joanne suasus apostolo,  
 Qui, sicut Christus pro nobis animam posuerat,  
 Sic dicit et nos debere facere pro fratribus.  
 Proinde, ad declarandum quantæ es et gloriæ,  
 Idem venerandus martyr occisus pro Domino  
 Gloriosum demonstratur protinus miraculum.  
 Amputato enim ejus sacrosancto capite,  
 Corpus truncum hoc in suis manibus accipiens,  
 Ante suimet lictores steterat immobile:  
 Cujus mox obstupefacti terrore prodigii,  
 Fugiunt persecutores, non ausi subsistere,  
 Cum sanctum viderent tantum facere miraculum.  
 Parentes vero ipsius egressi de latebris,  
 Vident sanctum corpus ejus consistens immobile,  
 Miratique quod abscisum caput ferret manibus.  
 Varia in mente versant de ejus martyrio,  
 Dum talis ei gaudere censuisset gloria,  
 Et rursus flere de illo natura suggereret:  
 Maxime tamen de illo fiunt inde anxii,  
 Qua sepeliendum esset sacratum corpusculum,  
 Mutuoque inde sibi conferunt colloquia.  
 Quæ cum agerent, diversa motione animi  
 Caput beati Justini, quod gestabat manibus,  
 Mirum dictu, cœpit illos absolute alloqui,  
 Et docens de sepultura sui eos corporis:  
 Euntes, inquit, ad locum qui Lupera dicitur,  
 Atque meum sepelite ibidem corpusculum;  
 Matri vero meæ caput hoc meum advehite,  
 Ut naturalem affectum in illud exhibeat,  
 Et amoris mei secum istud pignus habeat:  
 Ipsa vero si tenetur mei desiderio,  
 Studeat in paradiso me locatum subsequi,

**A** Ubi animæ sanctorum quiescunt feliciter.  
 Tunc illi, ut sanctus martyr Justinus præceperat  
 Condientes corpus ejus, ibi sepelierant,  
 Ubi ipse locum ad hoc signavit ex nomine;  
 Caput vero ejus matri ipsius attulerant:  
 Quod illa gaudens suscepit, Deo agens gratias,  
 Quia innocentem ejus animam asciverit:  
 Tibi, dicens, Christe, honor, laus et jubilatio,  
 Quia dignatus es istum puerum assumere,  
 Et associare tuis beatis martyribus.  
 At tu, beate Justine, filii mi dulcissime,  
 Qui Christi regnum intrasti cum palma victoriæ,  
 Ibi mei memor esto in tuis suffragiis.  
 Hæc ipsius genitrice orante cum lacrymis,  
 Mox resplenduit lux ingens super habitaculum,  
**B** In quo sanctum caput ejus habebatur positum.  
 Hæc autem lux circumquaque cuncta illustraverat,  
 Ita ut admirarentur qui in urbe aderant:  
 Erat autem nox, cum istud fieret miraculum.  
 In illis diebus sedem in Autisiodoro  
 Rexerat episcopalem, amator vir Domini,  
 Quem divinorum ornabant munera charismatum.  
 Hic dum cœlitus emissum splendorem conspiceret,  
 Ire ad domum Matthæi jussit tres presbyteros,  
 Qui de ipso studiose portento inquirerent.  
 Quibus omnia Matthæus retulit per ordinem,  
 Ut se de sancto Justino res gesta habuerat,  
 Vel de passione ejus, vel sepulto corpore;  
 Subjungit et de allato matri ejus capite,  
 Qualiterque lux de cœlo hora noctis tertia  
**C** Domum ipsam in qua erat omnem illustraverit.  
 Hæc presbyteri ad suum referunt pontificem,  
 Qui adesse omnem clerum protinus præceperat  
 Gratias Omnipotenti agunt pro miraculo.  
 Denique clarificatur hoc factum per populum:  
 Concurrent omnes gaudentes, martyrem glorificant,  
 Inno Dominum, qui illum sic mirificaverat.  
 Interim, jubente sancto amatore præsule,  
 Caput sanctum collocatum condigne in feretro  
 Cum honore atque hymnis fertur ad ecclesiam,  
 Et in loco quem paravit sibimet episcopus,  
 Ibi illud veneranter recondi providerat:  
 Ubi plura martyr sanctus præstat beneficia.  
 Nam ad comprobandam ejus cum Deo potentiam,  
 Sacro capiti dum dignas celebrant exsequias,  
**D** Puella quæ cæca venit, clare videns rediit;  
 Quæ cum esset in ætate, habens annos sedecim,  
 Inter martyris delatum veniens obsequium:  
 Adjuva, inquit, beate martyr Christi, adjuva,  
 Ut visum diu negatum tuo patrocinio,  
 De cœno Christo præstante, adipisci merear,  
 Quo laudetur nomen ejus in tuo martyrio.  
 Dixit, atque, coram omni populo, continuo  
 Restituto, ut petebat, oculorum lumine,  
 In glorificatione martyris tripudiat.  
 Iterum plebs omnis gaudens gratias congeminat,  
 Laudem dicens Salvatori Jesu Christo Domino,  
 Cui sit honor et potestas per æterna sæcula. Amen

<sup>a</sup> Syllaba ad metrum deest. Forte legendum: *Neutrum hoc me facere.*